



**R. P. Antonii De Escobar Et Mendoza, Vallisoletani,
Societatis Iesv Theologi, Vniversæ Theologiæ Moralis,
Receptiores Absqve Lite Sententiæ nec-non
Problematicæ Disquisitiones ... Volumen ...**

Triplex Statvs; Ecclesiasticvs, Religiosus, & Sæcularis

**Escobar y Mendoza, Antonio de
Lugduni, 1663**

Cap. 1. Quid sit Ecclesiastica immunitas, & quid nomine Ecclesiæ ad hunc
effectum intelligatur.

[urn:nbn:de:hbz:466:1-80707](https://nbn-resolving.org/urn:nbn:de:hbz:466:1-80707)

SECTIO PRIMA.

De Immunitate Ecclesiae Receptiores sine pugna Sententiae.

CAPVT I.

Quid sit Ecclesiastica Immunitas, & quid nomine Ecclesiae ad hunc effectum intelligatur?

ECCELESTASTICA immunitas quoad locum, est exemptio seu privilegium Ecclesiae seu Templo concessum, ut ibi existentes sint tuti à laica potestate, & delinquentes ad ea loca confugientes per vim extrahi non possint. Profectò huiusmodi immunitas non est introducta iure naturali, aut diuino, sed Ecclesiastico, seu Canonico. *Cap. Inter alia de immunit. Eccl. Bulla Gregor. XIV. Cum alias nonnulli.*

Ecclesia fundata Episcopi auctoritate, sine benedicta sit, siue non quamvis in ea nondum officia diuina fuerint celebrata, gaudet immunitate, licet polluta, vel interdicta, vel diruta sit, modo non sit diruta auctoritate Episcopi sine spe reedificandi. Hoc enim in casu immunitatem amitteret. Quia privilegium hoc est veluti accedens morale, accedens verò destruitur destructo subiecto Syluest. & Angel. v. *Eccles. Suar. to. 1. de Relig. tr. 2. l. 3. c. 9. n. 2.*

Ecclesiae nomine, quoad hunc effectum non solum venit interius Ecclesiae corpus, verum etiam tota fabrica, ut rectum, partes parietum exterioris, campanile, Sacristia Templo coniuncta, Cimiterium. Imò immunitas iure cōmuni extenditur ad fines, siue confinia Ecclesiae usque ad quadraginta passus si Ecclesia fuerit Maior, seu Matrix, & Metropolitana. Si verò fuerit Minor usque ad triginta passus protenditur, praeter tamen consuetudinem in contrarium exceptis Ecclesiis in ciuitate constructis, in quibus ob locorum angustiam hoc nequit asseruari. *Cap. si quis in atrio. Cap. Id consistimus, 17. q. 4. Cap. si quis in atrio, 17. q. 4. Suar. rom. 1. de Rel. tr. 2. l. 3. c. 9. n. 7. & c.*

Immunitatis Ecclesiae privilegium ex constitutione Gregorij XIV. *Cum alias* gaudent Monasteria Extentur immunitas ad totum claustrum, seu habitationem Religiosorum, etiam ad viciniam. Quia totus ille locus est sacer. Praeterea extenditur ad hospitale Episcopi auctoritate fundatur, & ad seminarium. Quia loca pia ac religiosa reputantur. Palatium Episcopi, eodē potitur indulto, modò sit intra quadraginta passus Ecclesiae passus constructum. Quia sit locus sacer reputatur. Alias non, nisi in ea erectum sit oratorium, ubi diuina celebrentur. Denique oratoria auctoritate Episcopi si constructa, & perpetuo diuino cultui dicata, locus sacer censentur. Secus si priuata auctoritate sunt constructa. *Cap. Ad hac, de relig.*

CAPVT II.

Quinam Ecclesiae Immunitate gaudeant?

IMMUNITAS haec quinque parit effectus. Primus est, ut reus capi in Ecclesia nequeat. Secundus, ut non apponatur impedimentum quo existent in loco facto non adferantur alimenta, vestitus, & alia, quae ad vitam necessaria sunt. Tamen iudici seculari licebit extra locum sacrum delinquentem obsidere, ut eum capiat, dum extra loca sacra progredietur. Tertius, ut existent in loco sacro nulla vis vel damnum inferatur. Quartus, ut dum reus in Templo existit, damnari nequeat ad mortem, vel ad corporalem poenam: imò actus facti à laico iudici erga delinquentem per vim extractum à loco sacro, iriti sunt, ut potè facti sine iurisdictione. Quintus, ut delinquentes per vim extracti ab Ecclesia eadem, vel alteri restituantur, in qua eque reut ac liber esse valeat. *Conar. l. 3. c. 12. n. 5. & 24. Cap. definitur 17. q. 3. cap. Inter alia, de immunit. Syluest. v. Immunitas 3. q. 7.*

Profectò reus amplexans Sacerdotem Eucharistiam deferentem non potest à sacellis capi ob tanti Sacramenti reuerentiam, praeter in contrariū consuetudine. Cōors tamen ferè omnium Doctorum sententia est talem gaudere immunitate. *Conar. l. 2. var. 6. 10. n. 6. Diana p. 1. tr. 1. resol. 28. de quo fest. 2. sermo recitat.*

Omnes fideles baptizati quauis interdicti, & excommunicati (praeter haereticos in haeretic delicto) immunitate potantur. Imò & infideles, si fieri voluit Christiani protegni sunt privilegio Ecclesiae. Quia par est, ut Ecclesia eū defendat, qui se eius gremio cōmittere non recusat. Verū haec immunitas prodest in omni b. casus tā ciuilibus quā criminalibus, exceptis casibus iure, ac constitutione Gregorij XIV. expressis. Quia iura indistincte, ac indistincte loquūtur, & solum nonnulli casus excipiuntur: exceptio autem firmat regulā in casibus non exceptis. *Conar. l. 2. c. 20. n. 11. Tanner. 2. 2. d. 5. q. 8. dub. 1. n. 16. Sylva. v. Immunitas 3. q. 3. Suar. to. 1. de Rel. tr. 2. l. 3. c. 10. n. 13. Nauar. sum. c. 25. n. 27.*

Debitorum in loco sacro exstiteres gaudet privilegio, quauis suspensus sit de fuga, vel sint obstricti debito publico. Imò & blasphemus, modo non sint haeretic infecti. Et adulteri in Ecclesia existentes capi nō possunt à seculari Iudice. Quia hi casus in constitutione Gregorij nō excipiuntur. *Suar. de Rel. to. 1. tr. 2. l. 3. c. 11. n. 3. Diana p. 1. tr. 1. resol. 32. Bonac. to. 2. d. 3. q. 7. Sylva. n. 3.*